

影印
文淵閣

四庫全書

影印

文淵閣四庫全書

第一四八八冊

北京出版集團公司
北京出版社

圖書在版編目 (CIP) 數據

影印文淵閣四庫全書 / (清) 紀昀等編纂. — 影印
本. — 北京: 北京出版社, 2012.4

ISBN 978-7-200-09184-7

I. ①影… II. ①紀… III. ①四庫全書 IV.
①Z121.5

中國版本圖書館CIP數據核字 (2012) 第 059042 號

策 劃: 方應權

責任編輯: 楊良志 蔡紫昀

責任印製: 宋 超

影印文淵閣四庫全書

(清) 紀昀等編纂

北京出版集團公司

北京出版社

北京北三環中路六號

郵政編碼: 100120

北京出版集團公司總發行

北京鴻博儒文化傳播有限公司

北京中獻拓方科技發展有限公司印刷

開本: 十六開 七八七毫米×一〇九二毫米

印張: 七五〇〇〇印張

二〇一二年四月第一版第一次印刷

定價: 陸拾萬圓整

ISBN 978-7-200-09184-7



9 787200 091847 >

本册目次

于湖詞	宋張孝祥撰……………一	夢窗稿	宋吳文英撰……………三〇五
海野詞	宋曾覲撰……………三一	補惜香樂府遺	宋趙長卿撰……………三七五
審齋詞	宋王千秋撰……………四九	龍洲詞	宋劉過撰……………四三三
介菴詞	宋趙彥端撰……………六一	竹屋癡語	宋高觀國撰……………四四五
歸愚詞	宋葛立方撰……………八五	山中白雲詞	宋張炎撰……………四六三
克齋詞	宋沈端節撰……………九五	附樂府指迷	宋張炎撰……………四六三
龍川詞	宋陳亮撰……………一〇三	竹山詞	宋蔣捷撰……………五四三
補稼軒詞	宋辛棄疾撰……………一一一	竹齋詩餘	宋黃機撰……………五六三
西樵語業	宋楊炎正撰……………一〇三	梅溪詞	宋史達祖撰……………五八一
樵隱詞	宋毛并撰……………一二三	散花菴詞	宋黃昇撰……………六〇五
放翁詞	宋陸游撰……………一二三	石屏詞	宋戴復古撰……………六一三
知稼翁詞	宋黃公度撰……………一四五	斷腸詞	宋朱淑真撰……………六二三
蒲江詞	宋盧祖皋撰……………一五三	天籟集	金白樸撰……………六二九
平齋詞	宋洪咨夔撰……………一五九	蛻巖詞	宋張翥撰……………六五七
白石道人歌曲集	宋姜夔撰……………一六九	珂雪詞	宋曹貞吉撰……………六八五
別集			

欽定四庫全書

集部
于湖詞卷一
三

詳校官中書_臣潘有為

侍讀_臣孫球覆勘

總校官檢討_臣何思鈞

校對官學正_臣周鉉

謄錄監生_臣張炳

欽定四庫全書

集部十

于湖詞

詞曲類一
詞集之屬

提要

_臣等謹案于湖詞三卷宋張孝祥撰孝祥有于

湖集別著錄宋史藝文志載其詞一卷陳振

孫書錄解題亦載于湖詞一卷黃昇中興詞

選則稱紫微雅詞以孝祥曾官中書舍人故

也此本為毛晉所刊第一卷末即繫以跋稱

欽定四庫全書

于湖詞
提要

恨全集未見蓋祇就詞選所載二十四闋更

摭四首益之以備一家後二卷則無目錄亦

無跋語蓋因已見全集刪其重複另編為兩

卷以續之而首卷則未重刊故體例特異耳

卷首載陳應行湯衡兩序皆稱其詞寓詩人

句法繼軌東坡觀其所作氣概亦幾幾近之

朝野遺記稱其在建康留守席上賦六州歌

頭一闋感憤淋漓主人為之罷席則其忠憤

慷慨有足動人者矣又者舊續聞載孝祥十八歲時即有點絳唇流水冷冷一詞為朱希真所驚賞或刻孫和仲或即以為希真作皆誤今集不載是篇或以少作而佚之歟陳應行序稱于湖集長短句凡數百篇今本乃僅一百八十餘首則原稿散亡僅存其半已非當日之舊矣乾隆四十六年十月恭校上

總纂官臣紀昀臣陸錫熊臣孫家鼐

欽定四庫全書

于湖詞
提要

總校官臣陸費墀

于湖詞原序

蘇明允不工於詩歐陽永叔不工於賦曾子固短於韻語黃魯直短于散語蘇子瞻詞如詩秦少游詩如詞才之難全也豈前輩猶不免耶紫薇張公孝祥姓字風雷於一世辭彩日星於郡國其出入皇王縱橫禮樂固已見於萬言之陞對其判花視草演絲為綸固已形於尺一之詔書至于託物寄情弄翰戲墨融取樂府之遺意鑄為毫端之妙詞前無古人後無來者散落人間今不知其幾也比遊荆湖間得公于湖集所作長短句凡數百篇讀之冷然灑然真非煙火食人辭語予雖不及識荆然其瀟散出塵之姿自在如神之筆邁往凌雲之氣猶可以想見也使天假之年被之聲歌薦之郊廟當其陰莖韶護間作而遞奏非特如是而已一日鳳鳥去千年梁木摧予深為公惜也于湖者公之別號也昔陳季常晦其名自稱為龍丘子嘗作無愁可解東坡為之序引世之不知者遂以龍丘為東坡之號予故表而出之

欽定四庫全書

于湖詞
原序

乾道辛卯仲冬朔日建安陳應行季陸序

欽定四庫全書

于湖詞
原序

二

昔東坡見少游上已遊金明池詩有簾幙千家錦繡垂之句曰學士又入小石調矣世人不察便謂其詩似詞不知坡之此言蓋有深意夫鏤玉雕瓊裁花剪葉唐末詞人非不美也然粉澤之工反累正氣東坡慮其不幸而溺乎彼故援而止之惟恐不及其後元祐諸公嬉弄樂府寓以詩人句法無一毫浮靡之氣實自東坡發之也于湖紫薇張公之詞同一關鍵始公以妙年射策魁天下不數歲入直中書帝將大用之未幾出守四郡多

欽定四庫全書

于湖詞
原序

一

在三湖七澤間何哉衡謂茲地自屈賈題品以來唐人所作不過柳枝竹枝詞而已豈天以物色分留我公要與大江東去之詞相為雄長故建牙之地不於此而於彼也歟建安劉溫父博雅好事於公文章翰墨尤所愛重片言隻字莫不珍藏既哀次為法帖又別集樂府一編屬予序之以冠於首衡嘗獲從公游見公平昔為詞未嘗著稿筆酣興健頃刻即成初若不經意反復究觀未有一字無來處如歌頭凱歌登無盡藏岳陽樓諸曲

所謂駿發踔厲寓以詩人句法者也自仇池仙去能繼其軌者非公其誰與哉覽者擊節當以予為知言乾道

辛卯六月望日陳郡湯衡撰

欽定四庫全書

于湖詞原序

欽定四庫全書

于湖詞卷一

宋 張孝祥 撰

六州歌頭

此詞或作三疊亦凋零止第一段且休兵止第二段

長淮望斷開塞莽然平征塵暗霜風勁悄邊聲黯銷凝
追想當年事殆天數非人力洙泗上絃歌地亦凋零隔
水蘊鄉落日牛羊下區脫縱橫春名王宵獵騎火一川
明笳鼓悲鳴遣人驚念腰間箭匣中劍空埃壘竟何
成時易失心徒壯歲崢嶸渺神京干羽方懷遠靜烽燧
且休兵冠蓋使紛馳驚若為情聞道中原遺老常南望
翠葆霓旌使行人到此忠憤氣填膺有淚如傾

水調歌頭

凱歌寄湖南安撫劉舍人

猩鬼嘯篁竹玉帳夜分弓少年荆楚劍客突騎錦襜紅
千里風飛雷厲四拔星流彗埽蕭斧挂春蔥談笑青油
幕日奏捷書同詩書帥黃閣老黑頭公家傳鴻寶秘
畧小試不言功聞道璽書頻下看即沙堤歸去帷幄且

從容君王自神武一舉朔庭空

又舟過金山寺 或作 詠月 或刻韓子蒼

江山自雄麗風露與高寒寄聲月姊借我寶鑑此中看
幽壑魚龍悲嘯倒影星辰搖動海氣夜漫漫擁起白銀
闕危駐紫金山表獨立飛玉佩整雲冠漱冰濯雪恥
視萬里一毫端回首三山何處聞道羣仙笑我要我欲
俱還揮手從此去翳鳳更驟鸞

又隱靜寺觀雨 寺有碧霄泉

欽定四庫全書

于湖詞
卷一

青嶂度雲氣幽壑舞回風江神助我雄觀喚起碧霄龍
電掣金蛇千丈雷震靈鼉萬叠洶洶欲崩空盡瀉銀潢
水散入寶蓮宮坐中客凌積翠看莽洪人間應失七
筓惟我獨從容淨洗從來塵垢潤及無邊枯槁造物不
言功天宇忽開霽日在五雲東

滿江紅秋懷

秋滿灘源瘴雲靜曉山如簇動遠思空江小艇高丘喬
木策策西風颭鬢底暉暉斜日朱欄曲試側身回首望京

華迷南北思歸夢天邊鷓遊宦事蕉中鹿想一年好

處砌紅堆綠羅帕分柑霜落齒冰盤剥芡珠盈掬借春
纖縷繪搗香蜜新篇熟

又咏雨

斗帳高眠寒窗靜瀟瀟雨意南樓近更移三鼓漏傳一
水點點不離楊柳外聲聲只在芭蕉裏也不管滴破故
鄉心愁人耳無似有遊絲細聚復散真珠碎天應分
付與別離滋味破我一床蝴蝶夢輸他雙枕鴛鴦睡向

欽定四庫全書

于湖詞
卷一

此際別有好思量人千里

又玩鞭亭 乾道元年正月十日

千古淒涼興亡事但悲陳迹凝望眼吳波不動楚山空
碧巴滇綠駿追風遠武昌雲旆連天赤笑老奸遺臭到
如今留空壁邊書靜烽煙息通軺傳銷鋒鏑仰太平
天子聖明無敵威踏揚州開帝里渡江天馬龍為匹看
東南佳氣鬱蔥蔥傳千億

念奴嬌欲雪呈朱漕

朔風吹雨送淒涼天意垂垂欲雪萬里南荒雲霧滿弱
水蓬萊相接凍合龍岡寒侵銅柱碧海冰漸結憑高一
笑問君何處炎熱家在楚尾吳頭歸期猶未對此驚
時節記得年時貂帽煖鐵馬千羣觀獵狐兔成車歌鍾
殷地歸踏層城月持盃且醉不須北望淒切

又 洞

洞庭青草近中秋更無一點風色玉界瓊田三萬頃著
我扁舟一葉素月分輝銀河共影表裏俱澄澈怡然心
會妙處難與君說應念嶺海經年孤光自照肝肺皆
冰雪短髮蕭騷襟袖冷穩泛滄浪空闊盡挹西江細傾
北斗萬象為賓客扣舷一笑不知今夕何夕

又 離
思

星沙初下望重湖遠水長雲漠漠一葉扁舟誰念我今
日天涯飄泊平楚南來大江東去處處風波惡吳中何
地滿懷俱是離索長記送我行時綠波亭上泣透青
羅薄橋燕低飛人去後依舊湘城簾幙不盡山川無窮

煙浪辜負秦樓約漁歌聲斷為君雙淚傾落

木蘭花慢

離思 向誤
作木蘭花令

送歸雲去雁淡寒彩滿溪樓正佩解湘腰釵孤楚鬢驚
鑑分收凝情望行處路但疎煙遠樹纖離憂只有樓前
溪水伴人清淚長流霜華夜永逼衾裯喚誰護衣篝
念粉館重來芳塵未埽爭見嬉遊情知悶來殢酒奈回
腸不醉只添愁脉脉無言竟日斷魂雙鶩南州

又 別
情

欽定四庫全書

于湖詞
卷一

五

紫簫吹散後恨燕子只空樓念璧月長虧玉簪中折覆
水難收青鸞送碧雲句道霞局霧鎖不堪憂情與文梭
共織怨隨宮葉同流人間天上兩悠悠暗淚洒燈篝
記谷口園林當時驛舍夢裏曾遊銀屏低聞笑語但夢
時冉冉醒時愁擬把菱花一半試尋高價皇州

雨中花慢

長沙 向
失慢字誤

一葉凌波十里御風煙鬟雨鬢瀟瀟認得江皋玉珮水
館冰銷秋淨明霞乍吐曙涼宿靄初消恨微顰不語欲

進還休凝竚迢迢 神交冉冉愁思盈盈斷魂欲遣誰
招還似待青鸞傳信烏鵲成橋悵望胎仙琴疊羞看翡
翠蘭苕夢回人遠紅雲一片天際笙簫

驀山溪

春情

雄風豪雨時節清明近簾幙起輕寒煥紅爐笑翻灰燼
陰藏遲日欲驗幾多長繡工慵圍棋倦香篆頻銷印
茂林芳徑綠變紅添潤桃杏意酣酣占前頭一番花信
華堂尊酒但作艷陽歌禽聲喜流雲盡明日春遊俊

欽定四庫全書

于湖詞
卷一

鷓鴣天

長沙餞
劉樞密

浴殿西頭白玉堂湘江東畔碧油幢北辰躔次瞻星象
南斗山川解印章 隨步武借恩光送君先促舍人裝
他年真宵傳衣鉢今日先須酌一觴

又

春情

日日青樓醉夢中不知樓外已春濃杏花未遇疎疎雨
楊柳初搖短短風 扶畫鷁躍花驄湧金門外小橋東
行行又入笙歌裏人在珠簾第幾重

菩薩蠻

中舟

十年長作江南客檣竿又挂西風席白鳥去邊明楚山
無數青 倒冠仍落魄我醉君同醉試問識君否青山
與白鷗

又

杏花
作春暮 或

東風約畧吹羅幕一簷細雨春陰薄試把杏花看溼紅
嬌暮寒 佳人雙玉枕烘醉鴛鴦錦折得最繁枝映香
生翠幃

欽定四庫全書

于湖詞
卷一

鵲橋仙

橫波滴素遙山颺翠江北江南腸斷不知何處御風來
雲霧裏釵橫鬢亂 香羅疊恨鸞牋寫意付與瑤臺女
伴醉時言語醒時愁道說與醒時休看

又

梅

吹香成陣飛花如雪不邇朝來風雨可憐無處避春寒
但玉立仙衣數縷 清愁萬斛柔腸千結醉裏一時分
付勸君不用嘆飄零待結子成陰歸去

西江月黃陵廟

滿載一船明月平鋪千里秋江波神留我看斜陽喚起
粼粼細浪明日風回更好今朝露宿何妨水晶宮裏
奏霓裳準擬岳陽樓上

又洞庭

問訊湖邊春色重來又是三年東風吹我過湖船楊柳
絲絲拂面世路如今已慣此心到處悠然寒光亭下
水連天飛起沙鷗一片

欽定四庫全書

千湖詞
卷一

又為劉樞密太夫人壽

疇昔通家事契即今兩鎮交承起居樞密太夫人綠髮
斑衣相映乞得神仙九醞祝教福祿千春台星直上
壽星明長見門闌鼎盛

憶秦娥雪

雲垂幕陰風慘澹天花落天花落千林瓊玖滿空鸞鵲
征車渺渺穿華薄路迷迷路增離索增離索楚溪山
水碧湘樓閣

又梅

梅花發寒梢挂著瑤臺月瑤臺月和羹心事履霜時節
斷橋流水聲鳴咽行人立馬空愁絕空愁絕為誰凝
佇為誰攀折

又元夕

元宵節鳳樓相對鰲山結鰲山結香塵隨步柳梢微月
多情又見珠簾揭游人不放笙歌歇笙歌歇曉煙輕
散帝城宮闕

欽定四庫全書

千湖詞
卷一

桃源憶故人冬飲

朔風弄月吹銀霰簾幙低垂三面酒入玉肌香軟壓得
寒威斂檀槽乍撥么絃慢彈得相思一半不道有人
腸斷猶作聲聲顫

醉落魄或悵作醉羅歌

輕寒澹綠可人風韵閒梳束多情早是眉峰蹙一點秋
波閒裏覩人毒桃花庭院閒妝束銅鞮誰唱大堤曲
歸來想是櫻桃熟不道秋千誰伴那人蹴

跋

字安國號于湖蜀之簡州人也後卜居歷陽故陳氏稱為歷陽人甲戌狀元及第出自思陵親擢故秦相孫頊居其下檜忌惡之以事召致于獄檜亡上眷益隆不數載入直中書惜其不年上嘗有用不盡之歎玉林集中興詞家選二十有四闋評云舊有紫薇雅詞湯衡為序稱其平昔為詞未嘗著稿筆酣興健頃刻即成無一事無來處如歌頭凱歌諸曲駿踔厲寓以詩人句法者也

欽定四庫全書

于湖詞跋

恨全集未見耳古虞毛晉記

欽定四庫全書

于湖詞卷一

十

于湖詞卷一

欽定四庫全書

于湖詞卷二

宋 張孝祥 撰

水調歌頭

汪德邵作無盡藏樓於棲霞之間取玉局老仙遺意張安國過之為賦此詞

淮楚襟帶地雲夢澤南州滄江翠壁佳處突兀起紅樓

憑仗史君胸次為問仙翁何在長嘯俯清秋試遣吹簫

看騎鶴恐來遊 欲乘風凌萬頃從扁舟山高月小霜

露既降凜凜不能留一弔周郎羽扇尚想曹公橫槊興

欽定四庫全書

于湖詞卷二

廢兩悠悠此意無盡藏分付水東流

又 帥晴江作

五嶺皆炎熱宜人獨桂林江南驛使未到梅蕊透春心

繁會九衢三市縹緲層樓疊觀雪片一冬深自是清涼

國不遣瘴塵侵 溪山好青羅帶碧玉簪平沙細浪欲

盡陡起忽千尋家種黃柑丹荔戶拾明珠翠羽簫鼓夜

沉沉莫問駉驚事有酒且頻斟

又 桂林中秋作

今夕復何夕此地過中秋賞心亭上喚客追憶去年遊

千里江山如畫萬井笙歌不夜夾路看黿頭玉界湧銀

闌珠箔捲瓊鉤 馭風去忽吹到嶺南州去年明月依

舊還照我登樓樓下水明沙淨樓外參橫斗轉搔首思

悠悠老子興不淺聊復少淹留

又 過滿湘寺

濯足夜灘急晞髮北風涼吳山楚澤行盡只欠到瀟湘

買得扁舟歸去此事天公付我六月下滄浪蟬蛻塵埃

欽定四庫全書

于湖詞卷二

外蝶夢水雲鄉 製荷衣紉蘭珮把萍房湘妃起舞一

笑撫瑟奏清商喚起九歌忠憤拂拭三閭文字還與日

爭光莫遣兒輩覺此樂未渠央

又

艤棹太湖岸天與水相連垂虹亭上五年不到故依然

洗我征塵三斗快挹商飈千里鷗鷺亦翩翩身在水晶

闕真作馭風仙 望中秋無五日月還圓倚欄清唱孤

發驚起壑龍眠欲酹鳴夷西子未辨當年功業空繫五

湖船不用知餘事鱸膾正甘鮮

又聞采石戰勝

雪洗征塵靜風約楚雲留何人為寫悲壯吹角古城樓
湖海平生豪氣關塞如今風景剪燭看吳鉤膾喜燃犀
處駭浪與天浮憶當年周與謝富春秋小喬初嫁香
囊猶在功業故優游赤岸磯頭落照淝水橋邊衰草渺
渺喚人愁我欲乘風去擊楫誓中流

又

欽定四庫全書

子湖詞卷二

三

天上掌綸手閭外折衝才發蹤指示平蕩全楚息氛埃
緩帶輕裘多暇燕寢森嚴兵衛香篆幾徘徊襦袴見歌
詠桃李藉栽培紫泥封天筆潤日邊來趣裝入覲行
矣歸去作鹽梅祖帳不須遮道看取眉間一點喜氣入
尊壘此去沙堤路平步上三台

又

隆中三顧客圯上一編書英雄當日感會餘事了寰區
千載神交二子一笑渺然於世却顧駕柴車常憶淮南

岸耕釣混樵漁忽扁舟凌駭浪到三吳綸巾羽扇笑
客與列仙如宜為尊羹鱸膾便挂衣冠神武此興渺江
湖學酒對明月高曳紫霞裾

又送謝倅之臨安

客裏送行客常苦不勝情見公秣馬東去底事却欣欣
不為青瑣俯拾自是公家舊物何必更關心且喜謝安
石重起為蒼生聖天子方側席選豪英日邊仍有知
已應剡薦章間好把文經武略換取碧幢紅旆談笑掃
征塵勲業在此舉莫厭短長亭

欽定四庫全書

子湖詞卷二

四

又送劉帥赴朝

鼇禁輟頗牧熊軾賴龔黃一時林莽千險遽午要驅攘
金版六韜初試烟斂山空野迴低草見牛羊旒纓釋南
顧戈甲濯銀潢玉書下褒懿績促曹裝帝衷天近紅
旆東去帶朝陽登輔五雲丹陛回首楚樓千里遺愛滿
瀟湘應記依劉客曾此捧離觴

念奴嬌再用韻呈朱丈

繡衣使者度郡中絕唱陽春白雪人物應須天上去一
日君恩三接粉署香濃宮林錦重便把絲鉤結片心如
水不教炙手成熟還記嶺海相從長松千丈映我秋
竿節忍凍推敲清興滿風裏烏巾獵獵只要東歸歸心
入夢夢泛寒江月不因萼繪白頭親望真切

又仲欽提刑仲冬行邊漫
呈小詞以備鼓吹之闕

弓刀陌上過蠻煙瘴雨朔雲邊雪幕府橫驅三萬里一
把平安遙接方丈三韓西山八詔慕義羞推結梯航入

欽定四庫全書

于湖詞
卷二

五

貢路經頭痛身熱今代文武通人青霄不上却把南
州節塞馬秋肥鵬力健應看名王宵獵壯士長歌故人
一笑趁得梅花月王春奏記便須平步清切

滿江紅

思歸寄柳
州林守

秋滿衡臯烟蕪外吳山遙碧風乍起蘭舟不住浪花如
席離岸櫓聲驚漸遠盈襟淚點淒猶滴問此情能有幾
人知新相識追往事懽連夕經舊館人非昔把輕顰
淺笑細思量紅葉題詩誰與寄青樓薄幸今遺迹但長

洲茂苑草淒淒愁如織

定風波令

鈴索收聲夜未央起尋花影步迴廊莫道嶺南冬更暖
君看梅花如雪月如霜見說牆西歌吹好玉人夾坐
勸飛觴老子婆娑成獨冷誰省自挑寒地自添香

木蘭花慢

送張
魏公

擁貔貅萬騎聚千里鐵衣寒正玉帳連雲油幢映日飛
箭天山錦城起方面重對籌壺盡日雅歌閑休遣沙場

欽定四庫全書

于湖詞
卷二

六

游騎尚餘疋馬空還那看更值春殘斟綠醕對朱顏
正宿雨催紅和風換翠梅小香慳牙旗漸西去也望梁
州故壘暮雲間休使佳人斂黛斷腸低唱陽關

雨中花

一舸凌風斗酒酹江翩然乘興東游欲吐平生孤憤壯
氣橫秋浩蕩錦囊詩卷從容玉帳兵籌有當時橋下取
履仙翁談笑同舟先賢濟世偶耳功名事成豈為封
留何況我君恩深重欲報無由長望東南氣王從教西

北雲浮斷鴻萬里不堪回首赤縣神州

水龍吟

過浯溪

平生只說浯溪斜陽喚渡秋船繫月華未吐波光不動
新涼如水長嘯一聲山鳴谷應棲禽驚起自顏元者後
水流花謝當年事無人記須信兩賢不死駕飛車時
游此地漫郎宅裏中興碑下應留履齒酌我清尊洗君
孤憤來同一醉待相期把袂清都歸路騎鶴去三千歲

又

望九華作

欽定四庫全書

于湖詞卷二

七

竹輿曉入青陽細風涼月天如洗峰回路轉雲舒霧捲
了非人世轉就丹砂鑄成金鼎碧光相倚料天關虎守
箕疇龍負開神祕留茲地縹緲朱幢羽衛望蓬萊初
無弱水仙人拍手山頭笑我塵埃滿袂春瑣瑤房霧迷
芝圃昔游都記悵世緣未了忽忽又去空凝竚煙霄裏

多麗

景蕭疎楚江那更高秋遠連天茫茫都是敗蘆枯蓼汀
洲認炊煙幾家蝸舍映夕照一簇漁舟去國雖遙寧親

漸近數峰青處是吾州便乘取波平風靜荃棹且夷猶

關情有冥冥去雁拍拍輕鷗忽追思當年往事惹起

無限羈愁挂笏朝來多爽氣秉燭夜永足清游翠袖香

寒未絃韻悄無情江水只東流拖樓晚清商哀怨還聽

隔船謳無言久餘霞散綺烟際帆收

蝶戀花

漠漠飛來雙屬玉一片秋光染就瀟湘綠雪轉寒蘆花

荻荻晚風細起波紋縠落日孤雲歸意促小倚蓬窗

欽定四庫全書

于湖詞卷二

八

寫作思歸曲過盡碧灣三十六扁舟只在灘頭宿

訴衷情

中秋不見月

晚烟斜日思悠悠西北有高樓十分準擬明月還似去年
遊揮玉笋捲銀鈎喚新愁嫦娥貪共暮雨朝雲忘了中秋

鵬鵠天

上母夫人壽

阿母蟠桃不記春長沙星裏壽星明金花羅紙新裁詔
貝葉旁行別授經同犬子祝龜齡天教二老鬢長青
明年今日稱觴處更有孫枝滿謝庭